

PETIKAN TITAH
"MEMBANGUN serta memantapkan sektor swasta adalah merupakan alternatif utama dalam menangani masalah pengangguran melalui penjujukan pembangunan ekonomi yang berdaya tahan lagi berterusan. Inilah satu-satunya cara supaya kita dapat



MANISNYA IMAN
"DARI Abu Bakar: Radiallahuahu dari Nabi Sallahullah Alahi Wasallam Baginda bersabdu, sultan adalah payung Allah di bumi, siapa yang menghormati sultan, maka Allah akan mengfortunkannya dan siapa yang membenci, maka Allah akan..."

R abu
13 Julai 2005
13 Jamadilakhir 1426
Tahun 50 Bilangan 29

- [Berita Utama](#)
- [Berita Ringkas](#)
- [Haluan](#)
- [Dari Sidang Pengarang](#)
- [Melirik Masa Silam](#)
- [Analisis](#)
- [Aneka Rencana](#)
- [Ekonomi](#)
- [Suara Dari Mimbar](#)
- [Sepuluh Negara Satu Masyarakat](#)
- [Sudut Perkhidmatan Awam](#)
- [Minda Pembaca](#)
- [Remaja](#)
- [Arena Sukan](#)
- [Iklan-iklan Tawaran](#)
- [Iklan-iklan Tawaran Keria](#)
- [Arkib](#)

TAHUKAH AWDA?

PENUBUHAN Pusat Kewangan Antarabangsa Brunei (BIFC) pada tahun 2000 merupakan satu usaha ke arah merealisasikan matlamat dasar kerajaan untuk mempelbagaikan ekonomi negara. Salah satu usaha di bawah penubuhan BIFC ialah untuk mewujudkan bank Islam antarabangsa di negara ini yang mana peruntukan undang-undangnya telah disediakan di bawah 'International Banking Order 2000'. Penubuhan bank-bank Islam antarabangsa ini adalah selaras dengan aspirasi negara bagi menggalakkan pertumbuhan kewangan Islam dan menjadikan negara ini sebagai pusat kewangan Islam serantau dan antarabangsa. Setakat ini BIFC telah mengeluarkan hampir 3,000 lesen syarikat antarabangsa termasuk enam lesen bagi urus niaga perbankan yang dua daripadanya adalah lesen perbankan Islam. - Sumber: Rancangan Kemajuan Negara (RKN) Negara Brunei Darussalam Kelapan (2001-2005) (tt: 137) & Titah sempena Ulang Tahun Hari Keputeraan Ke-59 pada 15 Julai 2005, di Istana Nurul Iman, Bandar Seri Begawan (2005:20).

Pelita Brunei Online
Jabatan Penerangan
Jabatan Perdana Menteri

Alamat e-mail:
[Pelita Brunei](mailto: Pelita Brunei)

HALUAN



TITAH Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam di Istiadat Mengadap dan Mengurniakan Bintang-bintang Kebesaran Negara Brunei Darussalam sempena Hari Keputeraan Baginda ke-59 tahun di Istana Nurul Iman, pada hari Jumaat, 9 Jamadilakhir 1426/15 Julai 2005.

HARGA KEAMANAN DAN KESEJAHTERAAN MUSTAHAK

*Assalamualaikum Warahmatullahi Wabarakatuh
Bismillahir Rahmanir Rahim*

ALHAMDULILLAH! Rabbil 'Aalameen, Wabihee Nasta'euun 'Alaa Umuuriddunya Waddeen, Wassalaatu Wassalaamu 'Ala Asyrafil Mursaleen, Sayyidina Muhammaddin, Wa'alaa Aalihee Wasabihee Ajma'een, Waba'du.

Alhamdulillah, beta bersyukur ke hadirat Allah Subhanahu Wataala di atas limpah rahmat-Nya yang tidak terhingga, sehingga dapatlah kita berkumpul di istiadat ini, bersempena dengan ulang tahun Hari Keputeraan beta yang ke-59.

Beta dengan ikhlas terlebih dahulu ingin merakamkan setinggi-tinggi penghargaan dan terima kasih kepada semua tetamu beta, sama ada yang datang dari jauh mahupun dekat, untuk sama-sama meraikan sambutan ulang tahun Hari Keputeraan beta ini.

Demikian juga dif-dif yang lain serta semua pihak yang telah menghantar perutusan-perutusan ucap selamat mereka bersempena dengan perayaan ini.

Mudah-mudahan Allah Subhanahu Wataala juga akan membalas ingatan baik mereka itu dengan ganjaran yang sebaik-baiknya.

KEAMANAN

Alhamdulillah, negara kita, Brunei Darussalam terus menikmati keamanan dan kesejahteraan. Tanpa keamanan dan kesejahteraan, sesebuah negara itu tidak akan dapat menikmati kebahagiaan.

Itulah dia harga keamanan dan kesejahteraan.

Sebab itu, usaha-usaha ke arah menjaga, mempertahankan dan meneruskan keamanan di negara ini adalah merupakan tanggungjawab besar kita bersama. Beta sangatlah menghargai kerjasama orang ramai kepada agensi-agensi penguatkuasaan keselamatan kerajaan beta yang ditugaskan untuk itu.

Agensi-agensi berkenaan pula hendaklah sentiasa bersedia menghadapi apa jua bentuk ancaman, termasuk ancaman jenayah serta gejala sosial yang boleh merosakkan keamanan.

Di dalam menghadapi ancaman-ancaman yang ada serta juga kemungkinan ancaman berbentuk baru, agensi-agensi keselamatan perlu membuat persediaan yang proaktif.

Ancaman jika ada, serta yang mungkin berlaku, perlulah dihadapi dengan langkah-langkah awal yang komprehensif. Ini termasuklah ancaman-ancaman seperti bencana alam yang tidak disangka-sangka, di mana contohnya telah pun turut melanda rantau kita baru-baru ini.

ROMBAKAN KABINET

Pada bulan Mei yang lalu, beta telah mengambil keputusan untuk merombak keahlian Majlis Mesyuarat Menteri-menteri Kabinet dan membuat beberapa lantikan baru bagi tempoh lima tahun.

Beta berharap generasi pemimpin baru ini akan membawa Negara Brunei Darussalam ke suatu tahap kemajuan dan kesejahteraan yang kita hasratkan.

Lantikan-lantikan baru ini meliputi pelbagai latar belakang pengalaman dan kemahiran, bukan sahaja daripada kalangan sektor kerajaan tetapi juga daripada sektor swasta. Ini diharapkan akan menambahkan lagi keupayaan kerajaan beta dari sudut tenaga dan kepakaran.

Apa yang kita lakukan ini, adalah amalan biasa di mana-mana, bukannya satu hadiah atau hukuman kepada siapa-siapa. Malahan secara peribadi, beta menganggap kepimpinan yang baru mahupun yang lama adalah sama-sama memiliki ciri-ciri bernilai untuk Negara Brunei Darussalam. Beta amatlah menghargainya.

PEREKONOMIAN

Menyentuh soal kebijakan secara menyeluruh, beta adalah memandang berat terhadap keadaan perekonomian negara, sebagai sifatnya satu faktor paling utama untuk mengekalkan kesejahteraan dan kemakmuran rakyat kita.

Dalam dunia globalisasi serta persaingannya yang amat hebat, usaha-usaha untuk mewujudkan ekonomi negara yang lebih teguh serta mampu berdaya saing, adalah perlu ditingkatkan terus dari masa ke semasa.

Maka ke arah ini, kerajaan beta tidak terpeluk tubuh dari melaksanakan pelbagai langkah, termasuk menggalakkan usahawan-usahawan tempatan serta meningkatkan tahap aktiviti perindustrian dan juga membuka luas peluang pelaburan asing di negara ini.

Penghalang-penghalang kepada pengendalian perusahaan dan pemiagaan seperti proses-proses yang terlalu birokratik, sukar difahami atau kurang jelas, hendaklah diatasi. Demikian juga penyakit lebih merbahaya seperti rasuah, hendaklah dibanteras sama sekali.

Apa yang beta mahu, semua perkara yang mudah mestilah dipercepatkan pengendaliannya, sementara perkara yang lebih kompleks pula juga hendaklah diusahakan seberapa yang boleh untuk dipermudahkan prosesnya.

INSTITUSI KEWANGAN

Khusus mengenai sektor kewangan, kerajaan beta melalui Kementerian Kewangan sedang mengatur langkah untuk mengukuhkan lagi monetary dan kestabilan kewangan. Ke arahnya, beberapa rang undang-undang yang berkaitan, termasuk Akta Insurans, Akta Bank, Akta Syarikat Kewangan dan Akta Pajak Gadaai sedang digubal atau dipinda.

Dengan penggabulan atau pindaan ini, diharapkan pihak berkuasa akan lebih mudah untuk menjalankan pengawalseliaan ke atas institusi-institusi kewangan, setanding dengan amalan-amalan negara-negara maju. Ia juga bertujuan untuk memastikan yang institusi-institusi kewangan di negara ini akan dapat beroperasi lebih teratur, selaras dengan kehendak piawaian yang terbaik antarabangsa.

Baru-baru ini beta juga telah memperkenankan cadangan penggabungan dua buah bank tempatan iaitu Bank Islam Brunei Berhad (IBB) dan Bank Pembangunan Islam Brunei Berhad (IDBB). Ini adalah dianggap selaras dengan trend global masa kini, di mana beberapa buah bank dapat bergabung untuk mengukuhkan keupayaan dan daya saing, bukan sahaja dalam negara bahkan juga di peringkat antarabangsa.

Menyentuh mengenai Pusat Kewangan Antarabangsa (BIFC) pula, dalam usianya yang baru lima tahun, ia telah mengeluarkan hampir 3,000 lesen syarikat antarabangsa, termasuk enam lesen bagi urus niaga perbankan, di mana dua daripadanya adalah lesen perbankan Islam. Semua ini merupakan petanda baik yang boleh meyakinkan kita bahawa usaha-usaha kita selama ini sudah menampakkan hasil yang diharapkan.

PROSEDUR TAWARAN

Mulai 1 November 2004 yang lalu, kerajaan beta telah memberi kuasa kepada setiap kementerian untuk menubuhkan Lembaga Tawaran Kecil masing-masing. Setiap Lembaga Tawaran Kecil boleh mempertimbangkan mana-mana tawaran yang bernilai \$250,000.00 dan ke bawah dan seterusnya menghadapkan sokongan kepada menteri-menteri masing-masing bagi diluluskan sendiri oleh menteri-menteri berkenaan.

Langkah ini bertujuan untuk mempercepatkan lagi perkhidmatan dan prosedur tawaran serta sebut harga di seluruh jabatan dan agensi-agensi kerajaan. Oleh yang demikian, beta berharap agar setiap ahli Lembaga Tawaran Kecil dan kementerian-kementerian dapat melaksanakan tugas mereka dengan teliti, penuh bertanggungjawab, amanah dan jujur, demi kepentingan negara serta rakyat dan penduduk di Negara Brunei Darussalam.

Sistem pembaikan dan peningkatan sedemikian ini adalah sangat mustahak, khususnya bagi semua peringkat Perkhidmatan Awam.

Sekian Waabillahit Taufik Walhidayah Wassalamualaikum Warahmatullahi Wabarakatuh.